

Nýútkomið í A-deild Stjórnartíðindanna.

Ejáraukalög fyrir árin 1890 og 1891, undirskrifuð af konungi 2. oktbr. 1891 (A. nr. 18, bls. 42—45).

Lög um samþykkt á landsreikningnum fyrir árin 1888 og 1889, undirskrifuð af konungi 2. okt. 1891 (A. nr. 19, bls. 46—49).

Lög um ákvarðanir, er snerta nokkur almenn lögreglumál, undirskrifuð af konungi 2. okt. 1891 (A. nr. 20, bls. 50—53).

Lög um breyting á lögum 19. sept. 1879 um kirkjugjald af húsum, undirskrifuð af konungi 2. okt. 1891 (A. nr. 21, bls. 54—55).

Lög um skipun dýralækna á Íslandi, undirskrifuð af konungi 2. okt. 1891 (A. nr. 22, bls. 56—57).

Lög um að landstjórninni veitist heimild til að kaupa jörð handa Tröllatunguprestakalli í Strandaprófastsdæmi, undirskrifuð af konungi 2. okt. 1891 (A. nr. 23, bls. 58—59).

Lög um breyting á lögum um stofnun landsbanka dags. 18. sept. 1885, 25. gr., undirskrifuð af konungi 2. okt. 1891 (A. nr. 24, bls. 60—61).

Konungleg auglýsing um að ríkisstjórn skuli falin á hendur ríkisarfa í fjarvist konungs, undirskrifuð af konungi 29. okt. 1891 (A. nr. 25, bls. 62—63).

Ýtarlegar reglur um það, hversu haga skuli prófi stýrimanna við stýrimannaskólann í Reykjavík, undirskrifuð af ráðgjafanum fyrir Ísland 4. nóv. 1891 (A. nr. 26, bls. 64—79).

Ejarlög fyrir árin 1892 og 1893, undirskrifuð af ríkisarfa í fjarvist konungs 6. nóvbr 1891 (A. nr. 27, bls. 80—117).

Brjef landshöfðingja til biskupsins um skiptingu Garðaprestakalls á Akranesi.

— Eptir ósk hlutadeigandi sóknarnefndar og samkvæmt löglegri ályktun hjeradsfundarins í Borgarfjarðarprófastsdæmi 28. febr. p. á., svo og samkvæmt tillögum yðar, háæruverðugi herra, í þóknanlegu brjefi, dags. 11. f. m., og að fengnum öðrum nauðsynlegum skilríkjum, vil jeg hjer með með skýrskotun til 4. gr. í lögum nr. 3. 27. febr. 1880 (sbr. ráðgjafabrjef 5. maí 1887, Stj. d. s. á. B., bls. 74) veita samþykki mitt til, að Garðasókn á Akranesi verði skipt í 2 kirkjusóknir, Garðasókn og Innra-Hólmssókn, að kirkja sje reist á hinum forna kirkjustað, Innra-Hólmi, að til þeirrar kirkju verði lagðir bæirnir frá Krossi, Akrakoti og Reynum að Stóru- og Litlu-Fellsöxl og Fellsaxlarkoti, að öllum þessum bæjum meðtöldum, þannig, að yztu bæirnir í Innra-Hólmssókn verði Reynar, Kross og Akrakot, en fremstu bæirnir Fellsaxlirnar og Fellsaxlarkot, að sjóði Garðakirkju verði skipt þannig á milli kirknanna, að Innra-Hólmskirkja fái fimmtung sjóðsins eins og hann verður á skiptadegi, að Garðakirkja haldi öllum áhöldum sínum og skrautgripum, svo og kirkjuhúsinu sjálfu meðan það stendur og er notað sem kirkja, en að Innra-Hólmskirkja eigi, þegar Garðakirkja verður rifin, hlut í því, er fæst fyrir viðina úr henni, eptir sama hlutfalli og í kirkjusjóðnum, að sóknarnefndin í Garðasókn og tilvonandi sóknarnefnd í Innra-Hólmssókn framkvæmi skiptin á kirkjusjóðnum,

24. dag nóvembermán. 1891.

123

8. sept.

123 en þegar þau um garð gengin eru, ganga kirkjugjöld úr hinni fyrirhuguðu Innra-
8. sept. Hólmssókn til þeirrar kirkju, og sje hún síðan undir umsjón og fjárhaldi safnaðarins, og loks að messað verði í Innra-Hólmskirkju 3. hvern helgidag á sumrum, en 4. hvern á vetrum.

Þetta undanfelli jeg ekki hjer með þjónustusamlega að tjá yður til þóknanlegrar leiðbeiningar og frekari birtingar og ráðstöfunar.

124 Brjef landshöfðingja til biskups um hjónavígslu í heimahúsum án leyfis-
14. sept. brjefs. — Eptir að hafa fengið þóknanlegt brjef yðar, herra biskup, dags. 1. p. m., viðvíkjandi vanrækslu nokkurra presta í því, að hlíða fyrirmælum tilskipunar 30. apríl 1824, að því leyti sem það hefur komið fyrir, að nokkrir prestar hafa leyfisbrjefslaust gefið hjón saman í heimahúsum, með eða án undangenginna lýsinga, og það þótt ekki væru sjerstök sjúkdómsforföll eins og gjört er ráð fyrir í 16. gr. nefndrar tilskipunar, enda vanrækt að tilkynna slíkar undantekningar samkvæmt fyrirmælum nýnefndrar greinar, skal jeg hjer með, vegna málsbóta þeirra, er þjer tilfærið, jafnframt því að tjá yður, að við svo búið má standa að því er snertir pá tvo presta, sem þjer þegar hafið veitt áminningu fyrir ofangreint embættisafbrot, þjónustusamlega leggja fyrir yður að veita öðrum prestum, sem hafa látið sjer hið sama á verða, alvarlega ofanigjöf, og tjá þeim, að þeir muni verða látnir sæta ábyrgð fyrir embættisafglöp, ef slíkt kemur fyrir optar.

Út af frekari fyrirspurnum í frammanefndu brjefi yðar skal yður þjónustusamlega tjáð til þóknanlegrar leiðbeiningar, að það er engum vafa undirorpið, að prestum ber að senda tilkynningar þær, sem um ræðir í 16. gr. tilsk. 30. apríl 1824 með nægilegum skilríkjum til hlutaðeigandi prófasts áleiðis til biskups, og sætir það eptirlitum prófasta, að prestar vanræki ekki þessa skyldu sína, sem á þeim hvílir í hvert skipti sem heimavígsla fer fram án leyfisbrjefs, til þess að sjeð verði, hvort fullnægjandi ástæður hafi verið fyrir hendi. Allar slíkar tilkynningar ber biskupi síðan að senda til landshöfðingja einu sinni á ári. Um tilfelli þau, sem þjer hafið orðið vísari að komið hafi fyrir á undanförunum árum, þarf eigi að senda sjerstaka tilkynningu, með því að þau mál álitast til lykta leidd með áminningum þeim til prestanna, sem að framan ræðir um.

125 Brjef landshöfðingja til stiptsyfirvaldanna um lántöku handa prestakalli
20. sept. til húsbýggingar. — Samkvæmt tillögum stiptsyfirvaldanna í þóknanlegu brjefi, dags. 19. f. m. og eptir beiðni prestsins að Kálfholti, sjera Ólafs Finnssonar, er hlutaðeigandi prófastur hefur lagt meðmæli sin með, vil jeg hjer með veita leyfi til þess, að tjeður prestur taki 2500 króna embættislán upp á Kálfholtsprestakall, til þess að koma upp á prestssetrinu Kálfholti vönduðu tímurbúsi, 10 álna löngu og 10 álna breiðu, með þeirri tilhögun og þannig úrgarði gjörðu, sem fram er tekið í brjefi prestsins til stiptsyfirvaldanna, dags. 20. júní p. á., og komi hús þetta í stað innistofu, baðstofu, búrs, eldhúss og bæjar-
dyra með göngum til baðstofu og eldhúss, svo og skemmu, er nú eru þar bæjarhús. Lántökuleyfið er bundið þeim skilyrðum:

1, að lánið sje að fullu endurborgað eigi síðar en á 25 árum með $\frac{1}{25}$ á ári auk vaxta.